

Prekalo projekti "Zoralipe pala e diskriminacija", kova ćerol I Televizija Pi kanal, uzalo Ministarstvo aškalo informisanje thaj telekomunikacije, vaćera tumenđe paramisija taro amare đizutne, pripadnicija marginalizovanih grupa, kola I laćhe primerija andi pi zajednica. I Tanjica, I Monika thaj o Žikica I ćaćutne romane primerja kola uspinde andi pi bući, po sikavipe hem ko nevladin sektor.

"But injom zahvalno so ulo ma prilika te phiravav miri bući thaj te ostvarinav mo luluđako suno, zahvaljući Nacionalnake sluźba aškali bući hem Help. Prvo ulo man dar sar o Piroćancija ka reaguvinen, da li ka ćinen mande, ali nikad na uljom diskriminirime, ćak I na űunđom da vaćherde neűto bi laćho. Ulo pharo te odlučinav te putrav mo biznis, ali mi familija thaj Udruźenje građana Ternipe- ubedinde man. Avđive, pala nekobor berűa sar ćerav bući, űaj ponosno te vaćerav kaj injom jek taro najuspeűna preduzetnice an mi điz hem kaj isi man poverenje tar me muűterije. Isto adźukhar trudina man te ukljućinav e terne an mi bući, prekalo programi "Moja prva plata", sar bi negde te ćeren bući."- vaćerol I Tanjica Kamenović, preduzetnica.



Foto> Tanjica Kamenović, preduzetnica

“Sar čhajori koja barilji ando gadžikano naselje, mo sikavipe počninda ko trinto berš. Sar čhajori ando predškolsko, interesuvinda man te čhelav, te điljabav, thaj me vaspitačice podržinde man, bizo predrasude, čak uljom lačno primeri aškal avre čhavore, kola danji pojndinde ko čhelibe. Andi osnovno sikavni, but puti leljom nagrade aškal rimome takmičenja, thaj aškal vačeribe. Dinjom but ideje aškal priredbe, thaj o nastavnicija uvek mangle te šunen man. Uljom vrlo dobro učenica, a kana bi dobinav bi lačni ocena, o nastavnicija bi vačerenine kaj čalavđom ando pubertet. Nikad mi nacionalnost na ulji opcija te krivinen man. Mandar očekuvinde isto sar taro aver čhavoren, a me I na dinjom povod te dičen man sar različito.

Kana pojndindom andi Ekonomsko škola, ulo man vrlo dobro thaj odlično uspeho, a o profesorija thaj me amala na čudinde pe- na pučle man “Sose na prandinđan tut?”, sose uljom I čhaj kola isi cilj hem misija. Mo cilj ulo te ovav lačno primeri hem an mi zajednica, sar so uljom andi gadžikani zajednica. Počnindom te čerav bući ando Udruženje građana “Ternipe”, kova bavinol pe romane pučhibnaja, a specifično čerol bući aškal problemija čhavorikano phrandibe thaj kobor I značajno sikavipe. Injom edukatorka ko akale, hem avre teme, thaj šaj vačerav kaj ulo man uticaj ko but čhave te završinen srednjo škola, hem te upisinen fakulteti.

Me injom Monika Dimov, specijalista strukovni ekonomista. Nikad na uljom diskriminirime dok uljom andi sikavni. Kana uljom ko završno specijalističko ispit, taro profesorija šunđom samo šukar alava, hem vačerde mande nisar ten a staninav te motivisnav e romane čhajen te sikaven. Tegaj alo mande ki gođi kobor lačne čerđom mo zadatak, a ka nastavinav te odgovorinav ko pučiba so dol man mo životo. Poruka tari akika paramisi I ako tut diče averčande, hem o gadže ka dičen tut averčande”.



Foto: Monika Dimov, specijalista strukovni ekonomista I aktivistkinja

“Ando Pirot, o romano položaj sikavol amen o napretko andi borba aškal I inkluzija hem vazdime status. Ando nakhle 10 berš but čerđa pe bući o Roma te oven integrisime hem isi značajno napretko. Sa o cikokore čhave obuhvatime I ko predškolsko program I aktivno I uključime ando sikavno sistemi. O terna andari romanji zajednica sa po but manden te džan ando srednja hem visoka sikavne, hem isi amen I okola so završinde master hem doktoratija.

Akava anglunipe dičhol pe hem ko tržište rada. Dičhol pe kaj o Roma ko bučarno tržište, hem adžukhar rušinen o stereotipija. O nevladino sektori hem I džiz čherde bući ando sikavipe, obuke, prekvalifikacije hem dokvalifikacije. Adavkha ulo lačno aškal e Romende, te čhalaven ko bučarno tržište.

Rezultat taro adavkha I po but preduzetnicija, posebno Romnja, so vačerol amende kaj postigninđam ravnopravnost ki bući. Lačne primerija sikaven amen- ako zajedno čera bući, ka dičhol pe o napretko.

Kipide pala antidiskriminacija e Rromengi ka čerol bući panda, posebno ando bučarno sistemi, sar bi čerena ravnopravno pristup aškal sa džizutne. Važno i te borinamen protiv bikhamipe ko internet, kova I trend avđive.

Sar bi phiravaine amen e izazovijencar, ka čera edukativna kampanje hem obuke, sar bi o poslodavcija ule sposobna te prependžaren I diskriminacija ki bući. Ka edukovina e manušen kobor I štetno o bikhamipe ko internet, prekalo edukacija hem lačne primerija ponašanja ko internet.

Uzali podrška kotaro nevladino sektori hem điz, zajedno ka ćera inkluzivno amalipe, kate svakova manuš ka ovol cenime hem poštvime, bez obzira ki lesiri etničko pripadnost ili bilo so aver. Akika sinergija maškar I borba protiv I diskriminacija ki bući hem ko bilačhipnasko vaćeribe ko internet I glavno te ova krisutna hem tolerantna”.



Foto: Žikica Asković, Alijansa protiv diskriminacije Roma I UG Ternipe , menadžer